




TAPAK 9

Taoba AAP Minister Kapil Mishra süchia ao



TAPAK 8

Ni teyarier shinga meliasü: Aditi Rao

VOL. XIV NO. 206 (ADOK 206)

DIMAPUR

MONDAY

MAY 15, 2017

5.00

Railway High School tajungba küma yanglutsü



Dimapur, May 14 (TYO) : Dimapur nung Railway High School junga mouteti aliba jenjang ngua tanü Deobar nü Railways nung Minister of State , Rajen Gohain -i school kiojen aser lesson sayuba dak aketba inyakim ajak tajungba küma yanglutsüsü nangzükogo.

Iba school ya lapoker küm 65 buba ajungbamong sentong nung jembidang, Gohain-i iba mapa inyaktsüsbaji nangzük.

Paisa ashiba agi, parnoki school tajungba küma yanglushitsü asoshi May 28 nü Advisory Committe ka shimtsü aser school nung CBSE course agidaktsüsü inyaktsü. Paisa school kiojen yanglushitsü aser Science laboratory den kaketshirtem atema metsümeshidak tajung yanglutsüsü nangzük. Government ket nung sen lir aser school

reprangtsübaji Railways department khuret lir ta Gohain-isa metetdaksü. Paisa school ketdangsertem den akhidang iba school nung azüngertem den jembidang, Railways department-i pei meyong school yamai mesenmetua mamshitsüla, kechiyong lokti ajungtsü atema reprangtsübaji parnok khuret lir ta metetdaksü.


Iba school nung taoba mapang azüngertem aika arua iba school tajungba küma yanglushinüba tejangraba sayuba asoshi parnok ajak dang Gohain-isa pelaba metetdaksü.

Iba sentong nung tetushi tejaoker, Tovihoti Ayemi-ia mapang tatsüka agia jembidang, iba ama school tejen ya akhi ama sentsüwangshia shia arudaktsüsü asoshi ajaki temulung agüja inyaktsüla ta metetdaksü. Paisa iba school yanglushiba nung state government-ia akok tashi yaritsü nangzük.

Iba kasa sentong nung Bokajan MLA Dr Numul Momin -ia jembia liasü.

Dimapur nung Railways High School ya Nagaland state mangundang 1951 küm temulungertem kar longjemer anepalua lapokba school ka lir aser iba sülenang 1996 küm Railways nem bendanga agütsü saka iba sülen school ya tamajungba küma ao.

France nung tir asütsü tenangzükba agiogo



May 14, 2017 nü French president Emmanuel Macron (achijilen tejaklen alisang) Elysee Palace, Paris, France nung pa mapa tenzükba sentong nung adenba noksa nung ngur. Pa ya France nung ti buba tir asütsü atema Deobar nü tenangzükba agiogo.

Paris, May 14 : France nung 25 buba tir asütsü asoshi Independent-centrist aser taoba investment banker Emmanuel Macron tanü Deobar nü tenangzükba agiogo. Tang tashi nung French tir inyaka aruba rongnung pa tanubasang asütsü.

French tir inyaktsü tenangzükba agiba sentong ya nung Constitutional Council tir, Laurent Fabius-i ketdangsia liasü ta BBC osang ajanga metetdaksü. Pei lima asoshi nisung ka asütsü atema, nisung kaji pei putu nisung asütsüla. Nübertemi tematiba tashi amshia shimba nisung, naji ajak dak alaka, asen lima asoshi shimba

nisung aser tir lir ta Fabius-i arishi küm 39 tain Macron indang metetdaksü.

Iba mapang Macron kinungsü US tir Trump taküm küm January nung US tir inyaktsü tenangzükba agidang pa kinungsü US First lady Melania Trump-i agiba süoshi den mesüktepa agir la kinungbo jakedang Palace jagi ait.

Macron-i pa tir asütsü toktepa election nung Right National Front leader Marine Le Pen akok.

France nungertemi teti sayubaji alimai nungdaker. Mapang talangka France-i lasasa la dak temulung malemtsüsa lia aruogo, saka tangsa alimai aser Europe-i France

tenüngdakba, ta tir tasenba ama ken o lapoka jembidang Macron-i metetdaksü.

Nübertemi ni shimba ajanga French nungertem nem parnoksa parnok dak temulung lemteta alitsüsa mapang ka meyipa agütsüsü ta paisa metetdaksü.

Paisa ashiba agi, pai nübertem dang France nungertem tashi majem aser onok tang asentenshiba mapang lir ta metetdaksü. Marcon-isa taoba French tirtem Charles de Gaulle nungi Nicolas Sarkozy aser Francois Hollande tashi nem akümtsübu agüja tenüng sanga liasü.

(Maneni tapak 11 nung)

Agra nung Nagaland nungi tetsür ka den tanurtem kümzük

Agra, May 14 (Agencies): Dimapur nungi tanur tetsü kati lar tanur ana anir Agra nung mapa inyaktsü atema aru saka la mapa manguba den sen maliba ajanga kilentzü nung ayimba tzü ajemtsüsa tia ajuru.

Tetsürla tenüngji Rita lir aser la kinungbo tenu den külemi anogo pungu tejakdang Agra nung mapa inyaktsü atema tonga aru.

Honibar nikongdang Shah Market nung la aser lar tanur ana (küm 3 Nandani aser küm 1 ser tesadang Arun) nungertem

kilentzü nung ayimba tzü jema lia, dokan kibur kati ngua, pai parnok nem tzü tajemtsü pongdang ka agütsü.

La ket nung senjang ka danga maliasü aser tesüiba anogo pungu tashi mapa inyaktsü mongui timtema aru. Shah Market nung alirtemi tetsürlai jembiba oshi mangatetba agi human rights activist Naresh Parashar nem osang sangoktsü aser pai tetsürla den osang metetpelaba sülen Nagaland police den tongtepratepa teyari meshi.

(Maneni tapak 12 nung)

Public meyong senotsü amshiba inyakim sayutsü

Kohima, May 14 (TYO) : Nübertem meyong senotsü ketdangsuba nung inyakim indang sayuba training sentong ka May 15 nungi 16, 2017 tashi Treasuries & Accounts Directorate, Kohima nung anepdang 10 ako nungi alitsü ta Finance Commissioner, Abhijit Sinhai metetdaksüogo.

Iba sentong ajanga senotsü amshiba yim (Public Financial Management System (PFMS))

sayutsü. Iba sentong ya aDepartment of Expenditure, Controller General Accounts, PFMS, Government of India ajanga ayongzük.

Anungji, iba sentong nung state government kübok CSS/NEC/NLCP scheme ama inyaker department nungi Accounts Officer aser Scheme Programme Officers ajak arua adentsüla ta kasa sangdong ajanga metetdaksüogo.

NE nungi School Board 6 India nung tematiba 10 jenjang tongtetogo

New Delhi, May 14 (TYO) : Northeast nungi 2017 küm India nung aliba school board-tem rongnung tajungtiba board ter rongnung school board trok dena lir.

Itemji Board of Secondary Education, Assam (SEBA) aser Meghalaya Board of School Education (MBoSE)-i mark 100 nungi mark 47 nguteta tajungtiba board ter rongnung jenjang 4 buba ngutetogo.

Iba denji Mizoram Board of School Education (MBSE) aser

Assam Higher Secondary Education Council (AHSEC)-i mark 44 aser 42 ta nguteta tajungtiba board ter rongnung jenjang 6 aser 7 buba nguteta lir.

Ano, Nagaland Board of School Education (NBSE) aser Tripura Board of Secondary Education (TBSE) na pronglai mark 38 nguteta tenaprongla kasasa terbuba jenjang nung lir.

School board tajungtiba ter tongnung tematiba jenjangji Bihar School Examination Board (Bihar board) liasü. Parnoki

mark 67 angu aser iba sülenji Council for the Indian School Certificate Examination (SISCE)-i mark 64 aser Jammu and Kashmir State Board of School Education (JKSBOSE)-i mark 57 ngua tanabuba aser tasembuba tajungtiba jenjang ngutetogo.

Iba sempet ya Rethink India telok ajanga Brehostibar nü India International Centre, New Delhi nung National Technology Day amongba sentong nung agüja liasü.

Gari nung nisung kwi amentsüar ARAI lateter

Dimapur, May 14 (TYO) : Koba gari südir süaka, gari nung nisung kwi amentsüar, ibajibo tetendanger "Automotive Regulatory Association of India (ARAI), International centre for automotive technology (ICAT) Vehicle Research & Development Establishment (VRDE) ajanga tendanger dang lateter ta Regional Transport Authority (RTA) ajanga jangjashitsüogo.

Item maparen ajakji Ministry of Road transport, & highways kübok inyaker aser garitem register asüba mapatem State Transport Authority, Government of Nagaland ajanga inyaker ta RTA ajangasa metetdaksü.

Item gari tendangertemi gari shia nung nisung amentsü latetja akabaji, Mahindra Minidor (II) (6+1) Mahindra Champion Deluxe (6+1) Mahindra. Minidor (II) DI (5+1) Mahindra Alfa LSM (3+1) Mahindra Alfa PAX Champ & Comfy (3+1) Bajaj autos' (3+1) lir, item ajakji Registration Certificate aser Permit nung

züluja lir. Ajisüaka, Dimapur aser temeket nung senzür auto rickshaw-temi lateta yutsüba dak tali nisung mendaktsür anir senzür, ibaji Sec. 21(10) 123 125 MV act of 1988 anema lir ta RTA-isa metetdaksü.

Anungji, nübertem lendongi maitsüsa auto rickshaw anishirtemi nisung tali bener mejajatsüla ta Deputy Commissioner & RTA, Dimapur nung mendenbubai metetdaksüogo.

TDLSA-i legal awareness sentong ayongzüka agi Sumi Community Purana Bazaar 'B'-i aitsür



Dimapur, May 14 (TYO): May 13, 2017 nü C.K.S Hall nung Tuensang District Legal Services Authority (TDLSA)-i Tuensang nung aliba arogotem den anogo ka legal awareness programme ayongzüka agi.

Sentong nung okila jembidang, Judicial Magistrate First Class, Tuensang aser Secretary TDLSA, N. Kano-i District Legal Services Authority ajanga mapa inyakbatem indang osang metetdaksü.

Paisa, angati legal services angutsüpurtem aser iba iba ajanga teküpoktiba jenjang nung alirtem teyari anguba indang osang lemsatop.

Mangashir aser memeter nem legal awareness metetdaksütsü atema arogotemi tongti shilem agitsüla, ta Secretary Kano-isa ayongzüka.

APP Tuensang, Heroto Chishi-i 'Consumer Rights and Motor Vehicle Accident Claims' indang onük jembidang,

consumer kati koma, kodaser aser kong ken o benoktsü aser teyari komala angutsü ta asüba osangtem metetdaksü.

District shia Consumer Court ji District and Session's Court lir aser senso ajaki consumer ka ama temetentem meteta alitsü tim, ta paisa ashi.

Heroto Chishi-isa Insurance Company tajung nung Motor Vehicle insure asütsü aser lendong atalokdang, sabang shitak nung ken o benoktsü indang osang tejangja metetdaksü.

Sentong nungsa Master Trainer NSLSA, Cheliam Khamniungan-i 'gender equality aser human trafficking' indang onük lemsatop.

Tetsür-tebur bendanga amshiba inyakyim ya loktiliba ajak nung ajurur aser iba ya nokdangtsü atema Linük temzüng nunga lateta lir. Yimtenren, lokti mesüra rongsenkettsüng tsütsü tetsürtemi tetsükdaksü ajurur,

ajisüka tetsürtem ya meimchir ta angatetet akhümtsübuttsüla, ta Cheliam-i ashi.

Nisung shibelenba dak sendakba onük jembidang, iba ya sen bushiba maparen ka kümogo aser yimtsüng tia nung aliba tanur aser tetsürtem aika iba maparen ajanga takoksa ajurur. Anungji, arogotemi item onük asoshi tebilemstü abentsüla aser nübortem angatetdaksütsüla, ta laisa shisem.

Sentong nung Retainer Lawyer, Yimtusangla Chang-i 'cyber crime and its legal implications' aser Panel Lawyer, TDLSA, Antimangyang Chang-i Victim Compensation schemes kübok ken o benokba, senior citizens aser POCSO Act indang temetetsütem lemsatop.

Sentong nung mendenji Para legal Volunteers Tuensang, Hongsa Yemjong liasü aser Chang Baptist Church, Saksi 3rd NAP Sector Pastor, Imlong-i temoatsü meshia sarasadem.

Longmisa Laishir Telongjem-i metetdaksür

Dimapur, May 14: Ao Theological Association(ATA) Conference Longmisa nung May 26-28, 2017 tashi agitsü lir, ta Longmisa Laishir Telongjem(LLT)-i sangdong ka nung metetdaksü.

ATA conference asoshi jelia renemba mapa balala alinung, asen Longmisa Laishir züngsem ajak absent mesüi May 23 tashi

nung yim tonga arutsü metetdaksür, ta LLT sangdong nung shia lir.

ATA conference dak sendakba maparen aika ali nung, item khuret asoshi, Longmisa Laishirtem aser kija kibongtemi May 21 anepdang 5:00 ako nungi pei akokba mapang tashi prayer & fasting agitsü ayongzüker. Ajak mazüngi dang

alinung pei talidak dang sentong tajung yanglua agitsü mepishir ta sangdong nungsa shia lir.

Maneni yimtsür yimer aser anükapang ajaki iba sentong temoatsü nung agitetsü atema sarasademtsü ayongzüker aser maparen balala atema Mobile No. 9856860903 / 7005779367, 9856676047 nung tongteprateptsü metetdaksür, ta LLT-is shisem.



Phiro village Baptist Church nung Mothers' Day sentong agidang tangokba noksa angur. Iba sentong nung tongti o jembirji Lopilo Lotha liasü aser Phiro Baptist Church choir, Dimapur nungi Phiro jalatem aser Phiro church tetsür Deacon temi ken ajanga shilem agi.

Dimapur, May 14 (TYO): May 13, 2017 nü Purana Bazaar 'B' nung 32 Assam Rifles-i Sumi Baptist Church, Purana Bazaar 'B' Pastor aser NSCN (IM)steering committee züngsem, kilonser Toivi Aye'er kitem mita aoba kukua aitsür, ta Sumi Community Purana Bazaar 'B' (SCPB 'B')-i sangdong ka nung metetdaksü.

Friends of the Hill People ta ajartemi Honibarneep 3:00 ako nung ki ana mita ao aser iba mapang tanurtem aser kinungertem kanga tsübudaktsü, ta sangdong nungsa shia lir.

Tenaprong ya Purana Bazaar 'B' nung senso lir aser India sorkar o NSCN (IM) tsüngda ceasefire liaka, para military force temi iba ama mapa inyakba ya nüji shisatsü alirtem ajaki aitsütsüla ta SCPB 'B' Chairman Mughato Aye aser Secretary P. Hekuto Wotsa nati sangdong nung ashi.

32 AR sepaitemi sannüker ki dena mita repring aser ki anaprong nung taitsü aketba kulikakettem kecha monguaka, parnoki Toivi Aye par kidang nungi pur anir ao. Anungji, onoki 32 AR-i inyakba mapa kukua aitsür, ta SCPB 'B' mendenpurtemisa metetdaksü.

Jorhat nung yipden 100 aliba mozüki lapok



Guwahati, May 13 (Agencies): Jorhat Medical College & Hospital campus nung Assam health minister Himanta Biswa Sarma-i yipden 100 aliba mother & child wing lapoktsüogo.

Iba ya Assam health care sector nung terenlok mapa tuluka inyakba lir aser iba sentong nung Hitendra Nath Goswami, Assam Assembly Speaker, Kamakhya Prasad Tassa, Member of Parliament aser ktdangser aika aden.

Iba wing tasen lapokba

ajanga Jorhat Medical College and Hospital kanga ulushiogo aser mozüki tasenba ajanga doctor, nurse aser paramedic staff shia nem quarter 12 agütsütsü. Iba mapatong inyakba nung sen crore 22.32 endoka liasü.

Maneni, Health Minister-isa campus nung terenlok mapa inyaktsü atema sen crore 120 agütsütsü ta osang metetdaksü.

Jorhat Medical College and Hospital nung neo-natal care units aser neo-natal intensive care unit tem amenokogo.

Arunachal nung Congress züngsem aika BJP nung aden

Itanagar, May 14 (Agencies): Arunachal Pradesh nung Congress sorkari BJP sorkar melenba sülen Congress party züngsemtem den Panchayati Raj lennir aikati Bharatiya Janata Party (BJP) nung aden.

Arunachal Pradesh nung 28-Likabali Assembly constituency kübok BJP Mandal committee-i ayongba sentong ka nung Congress züngsemtem aser Panchayati Raj lennirtem BJP nung aden.

"Party tashi angang aser loktiliba asoshi bilema mapa inyakang" ta sentong nung State President aser taoba MP, Tapir Gao-i ashi.

State nung Pema Khandu aser Centre nung Narendra Modi lenisüba kübok Arunachal Pradesh tejakleni aotsü aser terenlok angutsü, ta Tapir Gao-

isa metetdaksü. BJP nung adenertem pela agizüka o jembidag, local MLA aser Health & Family Welfare Minister, Jomde Kena-i terenlok bener arutsü nangzüka.

"Party züngsem tejentemi züngsem tasentem anioktsü aser anitetsü atema tebilemstü bena mapa inyaktsüla" ta State General Secretary, Jarpum Gamlin-ia metetdaksü.

Sentong nung State General Secretary BR Waghe-ia Arunachal Pradesh nung mezüng BJP lennirtem nem tetushi agütsüba den parnoki inyaka toktsüba mapa tajungtem indang bilemteta jembu.

State Secretary cum West Siang District in-charge, Lelong Lingfa-ia BJP indang tangatetba, teinyaktsü aser inyakyim indang osang lemsatop.

Modi-i May 26 nü India nung apu talangtiba lapoktsütsü



Dibrugarh, May (Agencies): India kübok Assam nung China arrtsü anasa ayong temdanga yangluba apu talangtiba May 26 nü Ato kiloser Narendra Modi-i lapoktsütsü. Iba apu yagi tonne 60 battle tank tashi tizüktsü.

Brahmaputra ayong temdanga yangluba Dhola-Sadiya apu ya lapoktsüba sülen NDA sorkar küm asem ajungba benjungmong, Ato kilonser-i anir Assam nungi tenzüktsütsü. Iba apu ya tasazük nung km 9.15 talang lir.

Arunachal Pradesh aser Assam nunger atema tayimtsü senzüsü asoshi aser rail line ajanga tesendaktep tajungba kümdaktsütsü atema lenmang junga yanglutsüba den külemi iba apu ya Sino-Indian arrtsü, talisa Northeast nung 'defence' maparen balala asoshi tenüngdakba peridaktsütsü nükjidong nung yangluba ama reprangteter.

Iba apu ya Mumbai nung Bandra-Worli apu dang nungi km 3.55 agi talangba lir aser iba ajanga India nung apu talangtiba kümogo.

"Ato kilonser-i iba apu May 26 nü lapoktsütsü. Iba ajanga northeast nung tesendaktep tajungba aküimtsü kechiyong iba apu ya defence force-i amshiba dak alaka Assam aser Arunachal nunger-ia amshitsü," ta Assam Chief Minister Sarbananda Sonowal-i ashi.

Iba apu ya 2011 küm sen crore 950 indoka yanglutsü asoshi tenzük aser military tank tema senzütettsüsa design süa yanglua lir.

"Assam aser Arunachal ya linük asoshi kanga dang tongtibang tesem lir. Iba apu ya China arrtsü anasa lir aser iba ajaga lendong aser mangatettep adokba mapang sepai aser 'artillery' tem karakara bener senzütettsüba nung teyari

agütsütsü," ta Sonowal-isa ashi.

Maneni iba apu ya Assam yimtiba Dispur nungi kilometer 540 pilar lir aser Arunachal yimtiba Itanagar nungi kilometer 300 pilar lir. China arrtsü nungi antung lenmangbo kilometer 100 dang nungi tajemba lir. Tezpur anasa Kaliabhomora apu sülenbo ayongbangleni kilometer 375 shi turang iba apu tasenba ya lir.

Tang tashi nung ayong tzüküm külen nungi küleni aotsü asoshi rong dang amshir. Iba apu ya nüburtem atema lapoktsüba sülenbo Assam nungi Arunachal aotsü asoshi ghonda 4 agi tajemba aküimtsü.

Iba apu ya 2015 küm lapoktsü asoshi sentong liasü. Maneni apu ya northeast nung road transport & highways ministry atema tongtibangtiba project ka lir aser iba ya sorkar aser construction company na külemi sentepa yanglu.

Meghalaya: GNLA pur ka temai adok

Tura, May 14 (Agencies): Garo National Liberation Army (GNLA) nung züngsem aser ozüing alema mapa temajung inyakba telok nung tongti shilem agir ka Tura, Dobasipara 20 BN BSF ket nung bendanga agütsüogo.

Dotling aser par telok yagi Bangladesh arrtsü nung aliba nüburtem kanga meinpronga liasü.

Dotling (Marus Ch Sangma, 26) den külemi Bangladesh nung parnok lenir Sanjay Sangma apuba aser taoba mapang Kamal Marak temai adokba ajanga SGH district nung ozüing alema mapa inyaba tem ajema aküimtsü.

Dotling ya South Garo Hills (SGH) Gasuapara kübok Telekhali yimtsüing nungi lir. Pai pa sasa commandant SH Sangkatha Prasad matsüing dang bendanga agütsü.

Pai ashiba agi, pa ANVC (B) telok nung 2012 küm aden aser ita asem atema Bangladesh, Sherpur District kübok Bolsura tesem nung 'batch' 6buba den külemi 'training' agi. Pa ya rifle, carbine, pistol tem aser bomb junga amshitettsüsa training agia lir.

ANVC (B) telok samatsüba sülen pai GNLA telok nungi züngsem, Badu Ch Marak ajurua liasü, shibai pa

par telok nung adentsü asoshi ajungshi.

Dotling-i pa sasa GNLA nung 2015 küm aden aser pa bendanga magütsü tashi iba telok nung züngsemer liasü. Pa ya GNLA telok nung züngsem Kartush den kanga junga sendaktepa liasü.

GNLA nung dener aliba mapang pa mapaji prangpong injang shibelenba aser iba telok nung züngsemtem Bangladesh-i ili adokli ta asüdang pai anir senzü.

Sangma-i ashiba agi, pa nem prangpong, injangtem, camouflage süoshi aser tanga osettem Dipon R Marak aser Philip Mankin nati Chittagong nungi bener arua Mymensing District nungsa agütsü. Sangma mapaji item osettem South Garo Hills kübok Telikhali aser Jankhol yimtsüing tesem anasa aremtem nung GNLA pur ket tongtsütsüba liasü.

Maneni Dotling ya arrtsü nung ozüing alema inyakba telok ka nung densemer inyaka liasü. Iba telok ya nisung pur aoba, rakzükraktemba aser nisung tepsetba keno aika nung densema lir.

Taoba mapang Kamal Marak bendanga agütsüba aser iba telok nung tongtiba, Sanjay Sangma apuba sülen iba telok tashi meiti kümogo.

Sanjay ya Bangladesh nung alir aser pa taoba ita apu.

Meghalaya nung tetsürtem atema 24x7 Helpline ka lapok



Meghalaya State Commission for Women mendenbula, Theilin Phanbuh-i tetsürtem atema 24X7 helpline lapoktsüdsang agiba noksa angur.

Shillong, May 14 (Agencies): Meghalaya State Commission for Women-i tetsürtem timtem mapang teyari agütsütsü asoshi Hokolbarnü 24X7 helpline ka amenogo.

"Helpline 181 ajanga teyari nüngdakbatem takok tashi ajak agütsütsü asoshi nükjidong nung tenzük. Teyari tem rongnung; legal, police, medical, counseling aser khen atema teyari agütsütsü densema lir. Item teyari ya

tetsürtem timtem nung alirtem nem agütsütsü," ta Meghalaya State Commission for Women mendenbula, Theilin Phanbuh-i iba maparen lapoktsüdsang ashi.

Iba centre ya Shillong nung Ganesh Das Government Maternal & Child Health Hospital nung amenoka lir.

"Iba helpline ya mapang talangka nungi tetsürtem timtem nung alirtem yaritsü asoshi tenzüktsü nüngdaka liasü aser iba sentong tenzükba ajanga nüngdakbapurtem

tongtettsü," ta laisa ashi.

Phanbuh ano Helpline nung inyakerkem dang pei mapa nung bendanga agütsü inyaksü asoshi mepishi.

Social welfare additional chief secretary H Marwein, shiba iba sentong nung densema liasü, pai ashiba agi, iba helpline ya kanga dang tapet mapa ka lir aser iba ajanga tetsürtem tashiyim agi mezüingmeshia amshiba amala tebilemstütem azüokba nung tongtibang shilem agitsü.

Tripura-i 'Bru' nunger nem Aadhar card agütsütsü

Agartala, May 14 (Agencies): Mizoram nunger tribal tem parnok 32,000 shi Tripura nung joko küm 20 shi refugee camp 7 nung jenoka lidar aser parnok nem Tripura sorkari Aadhaar card agütsütsü, ta Honibarnü ketdangser kati ashi.

Tripura Relief & Revenue Department nung ketdangser kati ashiba agi, sorkar nungi teyari balala aruba tetsükdaktsü makai agitettsü asoshi tribal tem nem Aadhaar card agütsütsü atema Home Ministry ajanga tetuyuba agütsü. Noksa tangokba maparen taruba hopta nungi tenzüktsü.

"Iba card mezüingbuba kaketshirtem nem agütsütsü aser iba sülen taintem nem agütsütsü," ta Kanchanpur Sub-Divisional Magistrate Santosh Deb-i osangbenertem dang ashi.

Iba card ya Kanchanpur aser Panisagar Sub-Divisional Magistrates office nungi agütsütsü.

Reang tribals shirnoki parnok 'Bru' nunger ta ajar, parnok 32,900 shi Mizoram arrtsü nung Tripura kübok Kanchanpur aser Panisagar sub-division nung 1997 October ita nungi tang tashi

jenoka lidar. Mizoram nung kin o kin na tsüingda mangatettep adokba sülen parnok iba tesemi jena aru.

Union Home Minister Rajnath Singh-ia refugee camp tem aiben semdangogo aser pai sorkar anaprongla dang refugee dak sendakba tebilemstü yakta angatetepa tembangtsü asoshi mepishia liasü.

Supreme Court-i taoba mapang Home Ministry, Mizoram aser Tripura sorkar dang tribal refugee tem Mizorami yoktsü asoshi külemi longjemer inyaksü atema tetuyuba agütsü.

"Onok kidangi meyipa aotsü asoshi renema lir, saka Mizoram sorkari onok takhangba tem; aluyimtsü asoshi ali amala agütsütsü asoshi memolunger," ta refugee lenir Bruno Msha-i osangbenertem dang ashi.

Taoba küm Mizoram ketdangser parnok 30-i refugee camp nung alirtem Mizo nunger chichiba asü masüar jangjatsü asoshi survey ka agi.

Mizoram sorkari refugee tem meyipa anir arutsü asoshi kanga merangdangaka parnoki parnok takhangba magütsü tashi marutsü ta nokdaker.



TIR YIMYIM YIMOBILEM (EDITORIAL)

DIMAPUR MONDAY, MAY 15, 2017

Pei yim anepalur

Dimapur town nung amai sentaktepa lir saka Municipal area kübok masü saka yimtsüng jenjang nung aliba tesem aika Dimapur town temeket nung lir. Item rongnung Signal Angami yim ya ka asütsü. Akhidang, armytem signal agütsüba tesem nung Angami nungertem tama arua aliba agi, iba tesem dang Signal Angami ta jatsüba tanü tashi amshia arur. Ashiko lanur tendakbo iba tenüngjia Naga nunger oshi agia melentsü südi. Iba yimtak Aor kibong noklang pongo dak tali lir aser yamaji yimtsüng telongtet nung akaba li tasazük tulubalenka Aor meyong kümogo. Ano, Angami nunger yimkü asünungji village council nunga Angami nungertem dak alaka tangar Naga kintembo shilem magidaksüi aruba taküm 2017 küm nungi tenzüka Aortem dang masü saka tanga Naga kintema village council nunga züngsemogo aser goanbora-a mepu shia shimogo. Iba amaji Tsüngremi Aotsür Aor alidak yimten aser lokti nung kibur küma shilem agitsüsa maongka agütsüba angur aser metetter. Iba maongkaji asenok asoshi khuret lir. Kong südörösüka, talisa tangar pur bendangertem den külemi lisemba tesem nung, asenoki inyakba ajak nung tatishitsü tajung küma inyaka sayutsüba kanga tongtibang aser iba amaji inyaksü aser alitsü tangari asenok dak imlar. Iba tangatetba nung Dimapur nung Signal Angami yimtak alir Aortemi yimtsüng nung lenmang raksar aliba anepalutsü aser janaona mashi mashi yim janaa meindoki jungjunga bendena endoktsü lemtetogo. Iba telemtetba kisung jagi Aotsür Aor ajak nümadangdaksür aser kodang parnoki lemtetba ama mapa küma inyaka odir, ibaji yimtaklirtem ajak asoshi tatishitsü tajung asütsü. Asenok town nung alitsüa akok mesüra yimtakang alitsüa akok, kong lidir liang, asenok kija ajungtsü aser merüksü atema dang masü saka asen alidak temeket, asen yim aser asen town ajunga junga ayutsü bilema asenoki shisatsü, nübo aser rongsen tenla agütsütsüba nungdaker. Aji oda, kong lidir liang, Aotsür Aortem alidakbo metetmeteta temerük, tesadem, tesüngjem aser topur jungjunger asütsüla. Iba amaji Aotsür Aor alidak tesem aika nung angur. Ajisüaka, ano tesem aika nung Aotsür Aortem alidaksa memerükba, gari lenmanga temesüba aser tebenjaba angur. Ibayongji, nisung karibo Aotsür Aor alidakbo janaona mashimashi endoker aser ali jenjanga Aotsür Aortemisa temetetba amato yimkong jajatsü asoshia lenmang sadema melapoktsüli asür ta jembir. Ibaji tanganütsü maket saka ibaji shitak asü masüar ta reprangdangyonga odangra tesem aika nung pi jembiba amaji shitak angur. Ibaji asenok ajak asoshi taaktsüka lir. Naga nunger asoshi Aotsür Aortemi taküm, nübo, shisatsü aser rongsen tenlaba amato tangar aikati tenlaa malitsü. Item tenlatem jagi Naga nunger aika tajung kümdaktsüogo. Item timtem aser tenla jagi temoatsü aküm aser temoatsü jagi maongka aküm ta Aotsür Aor tesem aika nung Tsüngremi moatsüogo. Item temoatsü aser maongkatemji ali tilaka yim lenmang asoshi magütsünü dang menentsüsa asenok malitsüla. Aji oda, Aotsür Aortemisa temerükba aser tajungba ta tangari akümtsüba jembia alibato asenoki asen kima dena merüka meyutetba agi mesüra tangar kima oagi polythene tilaka nung jana seper endokba agi menentsüsa asenoki meinyaktsüla. Asenoka yimtsüng nung aser town nung yimer aser kiyongertem den alir asünungji, asen libaliro aser inyakyim agi tangar pelatsüsa aser asen alidak temeket ajak topur junga alitsüsa asenoki temulung tesadem aser tangatetba tajung agi inyaksüla. Atangji, Mokokchung district nung aliba yimtsüngtem ajak temerük aser topur junga ayur. Iba amaji Dimapur aser temeket nung Aotsür Aor alidak aser Aor yim aika topur jungjunga aser merükmerüka angur. Ajisüaka, ano asenoki khen ali tonga lur tangari asenok akümtsübuttsüsa inyaksüba mapa aser tesem aika lir. Item rongnung asen alidak yimkong lenmang asoshi ali mekurui agütsütsüba aser merüka ayutsüba mapa tilaka amato saka kanga tongtibang asütsü.

OLEMSABANG

"Asen pei shisatsü aser tangatetba tajung
(Indigenous Technical Knowledge, ITK)
amshia koda alu inyakyim wazüka yutettsü"

Contributed By : Mr. Bendangsenep Walling
Agriculture Officer, SDAO, Mangkolemba.

Courtesy : ATMA, Mokokchung.

Aluyimeri alu maparen tapu balala pei tesem nung inyaka aodang, teti timtem aser tenokdangtsü ajurur. Anungji alu maparen koka aotsü atema, aluyimertem kanga dang shisa tabensa aser terajem agi inyaka aotsüla. Iba timtem pei tesem nung ajuruba ya kechi komala yimya ka benshia aser inyaka aoba ajanga koktetsü ta kanga junga shisadangtsüla. Kodang koda masüba alu tia aluyimeri teti pei tesem nung ajurudir, parnoki tajungtiba inyakyim ka shisadanger, ibaji inyaka aotsüba meranger, iba ama shisatsü agi rateta inyaka aobayim dangji "Indigenous Technical Knowledge (ITK)" ta ajar. Iba ama aluyimeri pei tangatetpa aser shisatsü amshia, pei jakdang/alu nung anguba osettem aser tiyari agia tashitak aser mesen tapu balala koba agi timtem agutsür, ibaji nokdangtsü meranger. Anungji ITK ya sentong renemba ka lir- kong, kechi, koda aser komaka tensa den putepa alu nung inyaka aonung, takok aser tajangzük angutsü, iba indang inyaksü shisadanger.

ITK ya tanga international osang aser shisatsü tatishitsü agi-universities, research organizations, private aser public research institutes nungi anguba shisatsü den keni balala. Iba ya asen tensa-tesem nung ajemdaker peisasa adokba teinyaktsüba shisatsü asü nung, nungdakba osettema asen tesem/alu nung angubattem jiang enoka amshir. ITK nungi adokba shisatsü aser inyakyim ya kanga dang tanü asung aluyimba tsütsülen nung mozü tajung ka ama züngshia arur aser iba inyakyim ya alu ayimba nung tenungdaksü ka kechiaser iba yagi kecha takoksa bener marutsür aser magütsür. Anungji, iba ya aluyimba tsütsülen nung kanga dang tongtipang hathiyar ka ama amshir. ITK shisatsü ya kanga dang kümdanga wazüka ayutsüla aser akok nungbo iba shisatsütem ya mesamadang, kakat nung zulur tarutsü putu atema rizünga ayutsüba kanga dang tenungdaksü asütsü.

Company nungi adokba mozütem tali bulua amshiba ajanga akhi dang madokba/maliba mesentem tashitak tasen aika adoker koba ajanga maneni mozütem amshi nunga iba mesen aser tashitaktem ya mazüokteti aser metepsetetti akümer. Ano asenoki telem dang makai mozütem amshiba ajanga, ali temo (soil fertility) aser mesen tajungtem (beneficial soil micro-organism) samadaktsür koba ajanga item ali nungi adokba aonsutsütem kodang asen nisungtemi chidir, asen temang nung timtem aser takoksa bener arudaktsür.

ITK ya alu aser alu maparen nung kanga junga shisadanger inyaka aotsüla koba ajanga asenok nem tajangzük tajung agütsütsü aser yamaji metsütem prokbajia jenjang tajung nung adoktsü. ITK ya environment nung kanga dang tapet, nisung ajaki agizükteter aser rongsen tsütsülana kanga dang tajangzük bener arutsür. Iba system amshiba ajanga mesen aser tashitaktema kanga nokdang aser mozütem mamshi-i tsünüsempongtsütem anebalua ayimba ajanga organic farming asen lima nung takok ngua inyaka arudagi aser tajungtiba nung bener aotsü ajungshir, kechiaser alima ajak nung mozü mamshi-i inyakba organic farming ta ajaba ya international aser national market nung kanga bushir kechiba iba farming nungi adokba aonsutsütem yagi temang nung kecha takoksa magütsür kechiyong iba yagi chemicals maliba chiyongtsü agütsür.

Pei dak akaba shisatsü angateta amshiba ajanga kodasür tashitak tapu balala aluyimeri ajangshia arubaya nokdangtetsü, iba indang benschitetsüba yimya kar ni asenok den yamai lemsateper.

1. Tsük ya alu nung matemba mapang nung, mezüng metsü tzü nung (150-200 gm/litre) minute 5-10 metena ayutsüla. Iba yagi tashitak keta aliba tsük aser tsüksütem tzü tema nung pongteta atudaktsütsü. Pongteta atuba tsüktemji endoktsü aser tanüngba tsükji tzü temerük nung anaben mesüra asem ben shidoker amshitsü akok.

(Maneni asung adok nung...)

Iba Olemsabang nung lemsaba ken-o aser shisatsü ya iba ocet zülur-i bilemba ken-o ama tazünger-i angateta agitsü mepishir

MAPANG TAJUNG ALANGZUKANG

- L. Kika Pongener, Aoyimkum, Dimapur

Efesa-5:16. "Mapang tajung ajak alangzükang, kechiyong anogotem tamajung lir". Paul-i Efesa nung aliba amangbapurtem dang putu tamajung aser anogo mapang tamajung nung alir'ar, mesüra anogo tamajungtem arudar mapang tajung mesüitemdaksüi alangzuka uang ta ashi. Asenoki Paul-i Efesa nung dang mapang tajung alangzüksü indang ashibaji iba nungji dang anena toktsür, tanü tensa asen sasep nung khen shisadangdi.

Iba mapang tajung alangzüksüba ya asenoki lenmang tapu anasü nung angatetsü akok. Mezüngbuba nung asenok alima nung alidang kibong taküm ketdangsüba ya ajak dang nungji tongtipangba ka lir, kechiaser kibong ka jungra lokti ajak ajungtsü aser lokti jungra alima ajunga ajungtsü. Aser iba kibong ketdangsüba nungji ano tsürabur ka tim teinyaksü khuretji kanga tongtipangba lir. Anungji tsürabur ka tim teinyaksü khuret nungji chirnur mapang tetemsü nung shidak azüoka tim lenmang nung aniteta sayutetsüba aji kanga tongtipang. Aser chirnur azüoktsüba ya mapang mashi ka nung azüok nung majungtsü aser makoktsü, saka tetemjen mapang ka lir, aser aji mesüitemdang iba mapangji alangzuka tazüoktsü tim mazüoktetra ashiko süitemerbo makoktsü, anungji asenoki iba mapang tajungji alangzüksüla.

A.Shin-22:6. "Tanur ka pa aotsüba lenmang nungji sayutetang; aser pai tain akümdang iba nungjagi mepilatsü". Apijemtsü Shin o zülur-i tanur ka tain kümer külen sayuang ta shia mali, mesüra mashi mapang ka nung nai mapang agütsütet dang azüoka sayuang ta shia mali. Tanur asüdang mapang shidak nung sayutsü ashir. A.Shin-23:13. "Lanuwa nungji temetongshibaji sota teyu; kechiyong nai pa dak artsüng agi azükyongbo pa masüts". Lanuwa ano nübo majungdang tesayutsü tazüoktsü mapang shidak nung azüokang ta Apijemtsü Shin o zülur jagi ashir. Merang mimong nung tsüker merema alidang aseni kechi koma yanglunür yamaji akoshia yanglutsü akoker. Tanü asen Naga nung kibongtem aika jala jabsotem mini-kanja nem dang shiloka yutsür rongsen nung dang tenük yoker mapang tajung ajak südaktsüba, ano aikati tuition master nem dang shiloka toktsür sadok sadoka nemzuba tsüraburtem aika dang lir. Chirnur kong kechi nung ali'ar memeteti toktsür lokti lokti tenzükba mapa nung apuani külemi repa-repa senzür, jala-jabsotem mini-kanja nem toktsür, anepdang anepongi ayazüker sarasadema aser sayutsüngi-a senzür aonung ayaterm nungang ki bushir, idangji chirnurtemjibo kimalen tangar temulong yirutsüsa meinyaksüyim mapa jenti inyaka jajar. Yamaji mapang shidak nung mazüoki intetdaksür.

Alima ajak ajangzükur pei taküm samara kechi ajangzüksü ta ashiba amato, tangarbo aika ajangzükur pei kibong nung chirnurtembo raksadaksüra mesüra samara kechi tajangzük. Hau sarasadema aser sayutsüngia senzübaji mapa tajung lir, saka mapangji metetsüla, aji oda mesüra chirnurtem tamajung tia-i aitsü.

Tsürabur aikati chirnur atema senmang ki tulu tajung, senti rongsen jenti rizünga toktsür, ajsüaka parnok mapang tetemsü nung tim tazüoktsü mazüokteteti intetdaksüra senti rongsen senmang ajakji anak aoyi akümtsü. Ajsüaka tsürabur kati senti rongsen aser ki tajung yanglua metoktsüaka mapang tetemsü nung timyimi azüoka sayuteter nisung tajung kümdaksüra aser kakat shisatsü tajung ngudaksür parnok talitsü timyim nung anitetra, ajak dak alaka senmang tajungtibaji aji asütsü. Aser iba senmangjibo kodanga shingia rakzuka bener mootetsü. Tsürabur aika sadok sadoka lia chirnur mapang shidak nung mazüoki intetdaksür asa-taoi amsa-a amdakja aiatai tia nung aliba kibongtem aika dang lir. Mapang tajung nung tim tazüoktsü mazüoki südaktsü, aser joko mozü-lar kümer, yi-lar kümer, ashi-auer kümer azüoktsü meranger, saka mapang tajung süiadoker koda tesusatsü.

Asenoki A.Shin-25:11 nungji zünga- "Mapang tesütep nung jembiba o taribi yanglokba nung hon süngjang ama lir". Mapang shidak nung jembiba o, sayutsüngi o-ji taribi yanglokba hon süngjang amai lir, kechiaser nai ner chirnur mapang tesütep nung sayutsüngi o shia azüoka intetdaksüra asung nü nem taribi aser hon süngjang tangtsütsü. Tanü alima putu tashitemetet aser sangrasangji tapu balala agi asen jala jabsotem aika anisadaksür aser mashileni aniba putu ka nung asenok alir, anungji asenok tsürabur ka khuret tulu lir ta metetdi, aser mapang tajung alangzuka asen chirnurtem nem mapang peria agütsüdi.

(Maneni taruba adok nung...)



Arunachal ABAM Nokte mission kübok Poakkoam Mission Centre nung arogo 52 nungji lanurtem ajak agi 130 adenshia Youth revival sentong tulu takok ngua tembangogo. Iba sentong ya Yimy Baptist Arogo ajanga sponsor süa "Onok asentenshijang" onük nung agia liasü. Iba sentong nung YBA sannüker Mr. Buryapang aser Home Evangelist Mr. Bendang, tena ajanga lanurtem den Tsüngrem O jembia liasü. Nokte mungdang tenung nung Rev. Asenba Imsong, Field Director-i sangdong ka ajanga YBA dang Tsüngrem tenung nung pelaba lemsatepba metetdaksü.

ANO GO ABEN TSÜNGREM DEN

LUMIA ASER SARASADEMBA TASHI

"Anungji parnoki lumia aser sarasadema tena dak teka agi nemet aser tena pila yok" T. Mapa 11 :21

Mezüng putu nung Antiok arogo kanga ainba mapang tepela tulu liasü, "parnok aika amanga kibuba dangi meyip" T.Mapa 11:21. Iba yongji Barnaba aser Pauli, tamanger tasentem sayutsü aru. Saka parnok kanga meranga inyakba tiyalong nung, parnoki sarasadema aser lumia Kibuba bushi T.Mapa13:2-3. Ibaji ajanga Asia limai Tsüngremi osang tajungji bener aotsü sentong jungkai adoktsü. Paul aser Barnaba asoshi takok tulutiba aser Tsüngrem temoatsü angubaji miim tashi ka liasü aser ibaji tenati ajak nung lumia sarasadema Tsüngrem wadangji inyak.

Tanü, asen kin, loktitem, Arogotem, Kibongtem, aser pei taküm nung tanela ajangzüksüba aser Tsüngrem tsüngdang takoker kaka asütsü asoshi Tsüngrem tsüngdang ochi agi lumia sarasademtsüla. Tanü, asenoki kong mapang indoker? T.V reprangba, lokti tentet onsara aser entertainment onsara item nungang asenoki mapang teimba indoker asü? saka asenoki lumia sarasademba tashi aser tamang nung tashi mait lir. Arung asenoki iba lima nung temenen tongpang koktetsü asoshi sarasademdi aser lumiba tamang bushidi.

SARASADEM:

Kibuba Yisu, Nü tashi aser ain onok dang apulokjangma. Amen

Iraq nung Khristan jila kümzükdang Navy SEAL ka khaset


Baghdad, May 14 (Agencies): Iraq kübok U.S. Navy SEAL kati Khristan jila ka Islamic State kiralongrar nungji kümzuka ayutsü merandang khaset.

Arishi küm 31 tain Navy SEAL, Charles Keating IV ji Telskuf, Iraq nung Islamic State sniper kati khaset, ta Christian Today ajanga metetdaksü.

Iba jila nung Keating dena America nunger sepaipungu liasü aser parnok IS kiralongrartemi amak. Iba mapang Keating dena America nunger sepaitemi parnok den yaritepa IS pur den khatap, ta Peshmerga forces Commander Safa Elyas-i osangbener dang ashi.

Ghonda pungu-trok ka khatap aser idangji IS kiralongrar 430 shi khaset. America nunger sepaitem dena Peshmerga force temi Islamic State makdak raraji akok, saka Nineveh Plains jila nung shilem 20 shika raksaogo, ta Safa Elyas-isa shisem.

"America nunger sepaitemi



parnok indang injang matem tashi IS den khatap. Sniper kati America nunger Keating khaset" ta paisa ashi.

Keating ya sempet aika anguba sepaipungu liasü aser pa ya kanga dang tasütait nisung ka liasü. March 2016 nunga pa nem Silver Star agüja liasü.

Keating indang tembar Rob Morgan-i pa atema GoFundMe page ka lapoktsüogo. Rob ya Houston, Texas nung alir aser pai ashiba agi, "Keating ji American Hero chichiba ka liasü."

Küm 2 sülen China nung Christian human rights lawyer ka chiok

Beijing, May 14 kibong aser medemertemi pa (Agencies): China kübok pela agizük.

Tianjin tesem nung küm ana Pa tepuokdak ayuba tashi tepuokdak kangshia mapang ketdangsertemi aruba sülen mongin human reshikangshi aser pa rights lawyer ka chiokogo. kinungtsü Wang Qiaoling-i ashiba agi, pa kanga kongra kümogo aser tashi mait lir.

Li Heping ya Christian human rights lawyer ka lir aser pa July 10, 2015 nü apu. April 28 nü oakdak Li China nung sorkar anema Heping indang ken o miima nübortem yariba atema "709 angadangdang, pai sorkar crackdown" ta jatetsüba anema mapa inyak ta aitsü maparen nung pa densema apu. aser küm 3 tepuokdak ayutsü Iba mapang sorkar aser küm pezü tashi pa okatsür ketdangsertemi okatsürtem apu. mapa aser yimtenren temeden atema mapa kecha May 9, 2017 nikongdang meinyaksü tenokdangba 2:00 ako meta Li Beijing nung par ki atong aser idakji par agütsü.

OLONG PAITEP # 4422

	1			2		3		4		
	5									
						6				7
8				9						
10		11		12						
										13
				14		15		16		
17										
				18						
19										

TIPIEN

- 3. Tembang
- 5. Jala masü
- 6. Ta _ _ _ _ _
- 8. Süngzü tapu ka
- 9. T _ _ _ süla
- 11. Lung tapak
- 14. Aginüdaktsü
- 16. Ta _ _ _ sen
- 17. Süngküm
- 18. Tenük lapokba yimya
- 19. Tezüngzüktepa o

LANGTSÜNGLEN

- 1. Tenji / Ngutep
- 2. Tetsüng-i ao
- 3. Tajungba asütsü merang
- 4. Tetsüng-i mejajateter
- 7. Mesükteper
- 10. Aor tenüng ka
- 11. Kiochtsü tapu ka
- 12. Nü tou
- 13. Tebur korang
- 15. Talubo

OLONG PAITEP # 4421 TELANGZÜBA

TIPIEN :

- 1. Meshi, 2. Tenla, 4. Yongmen,
- 7. Sayatenya, 10. Tongnügen,
- 12. Tekolok, 13. Aniok, 14. Leper.

LANGTSÜNGLEN :

- 1. Memetet, 2. Tenet, 3. Ain, 5. Maneni,
- 6. Asenok, 8. Azü, 9. Asangur, 11. Nülak, 12. Taa

Noksa nung meputepi aliba tesem 8 bushiang



TANÜBO NAI LANGZÜANG

Q. France nung Tir tasen Emmanuel Macron arishi küm kwi?

(Taruba adok nung onoki langzüksü)

YASHIADOK TELANGZÜBA : Mukul Mudgal



Tanur asoba anogo nung salem osang den noksa angali adokdaksünura - Tenüng, Küm, School, Talidak & salem osang tejanga züür, noksa (photograph - any size) ka den anogo 3 mesüra 4 jela e-mail : tiryimim@gmail.com nung yokang mesüra Tir Yimyim bureau tom nung agüang.

Tepela Tasoba Anogo




- 1. Tenüng :
- 2. Tasoba anogo:
- 3. Küm : 4. Class :
- 5. School :
- 6. Talidak :
- 7. Salem osang :

NAIA YA METETER MA

Temeli agi mitsüksü teimba sepdaktsüba

Guinness World Records nung otsü aika yangluteter Ashrita Furman-i ano otsü tasen ka yangluogo aser ibaji 'minute ka tsünga temeli agi mitsüksü sepdaktsüba' lir. New York, USA nung aliba Sri Chinmoy Centre nung arishi



küm 61 tain America nunger Ashrita-i iba otsü yanglutet. Iba otsü yanglutsü atema telatetbatemji mi sepdaktsütsü atema tangola mamshitsü aser temeli-i khen nung mitsüksü ka dang aseptsü liasü. Ashrita-i second 60 nung pa temeli agi mitsüksü 37 tashi sepdakja Guinness World Records title tasen yanglu. Tesüiba mapangtem nunga Ashrita-i Guinness World Records title 200 dak tema yangluteta lir.

SUDOKU # 3535

6	1	2		7	
3	5	8	7	6	2
9			8	4	1
6	2	4		9	7
7					6
		8		2	5
	3			8	
		4	6	5	3
		5	1		9

TELANGZÜBA # 3534

3	4	1	7	5	8	9	6	2
2	9	5	3	4	6	7	1	8
7	8	6	1	9	2	3	4	5
9	1	8	6	2	5	4	3	7
6	3	4	9	8	7	2	5	1
5	7	2	4	3	1	8	9	6
8	6	3	2	1	9	5	7	4
4	5	7	8	6	3	1	2	9
1	2	9	5	7	4	6	8	3

OJANG LUTEP # 4027

- STÜET :
- JIAK :
- GNTSÜIMER :
- NOYKGIENH :
- ALABAK :
- GANLUBAY :
- RIL :
- SAER :
- HAIKEC :
- TKODTESÜSAMAT :

OJANG LUTEP TELANGZÜBA # 4026

TSÜNGREM TENZÜKTSÜ NEBUJI KANGA ZÜBABO MESHIMTETER SAKA BUSHIRBO ODANG SHIMTETER

Anü ita petinu ajanga alima nung tsüngsang mopung melenshidaktsüba ama nisunger tia-a melenshidaktsür ta anü ita petinu tetzürtemi ashir, parnoki ashibaji shidak asü tai'ar nai-a na asoba ita anogo den tanü nü tia medemdangang (Horoscope):



Aries
21/3-19/4

Nai mapa meranga inyakaka aiben shidak meinyakteter. Anungji tanü nai iba kasa timtem majurutsü asoshi jungjunga bilemdangang.




Taurus
20/4-20/5

Nai mapa meranga inyakba aser tashi angaba ajanga nür medemertemi na akhümtsübur. Anungji tanü nai inyakba mapa nung sempet angutsü lenmang bushiang.



Gemini
21/5-20/6

Nai tanü mapa inyaktsü kanga jangratsü aser na lokti nung shilem tajung agiba ajanga tangari na metettsü, saka nü dang temaba jenjang nung alirtembo temolung machitsü südi.



Cancer
21/6-22/7

Nai mapa meranga inyakba ajanga temaba jenjang bushitsü bilemtsü südi, saka nai item maparen metenzükdang nür kibong indang mezüng bilemdangtsüla.



Leo
23/7-22/8

Nai nükjidong tajungji nü mapa agi inyaka sayutsü bilemtsü, saka mapa meranga inyakba ajanga dang temaba jenjangi ajungketer ta nai metetang.



Virgo
23/8-22/9

Nai mapa tejangja tem kanga junga inyaktsü merangba ajanga sempet angutsü imlatsü. Nü dang temaba jenjang nung alirtem den tesendaktep meraksatsü merangang.



Libra
23/9-22/10

Nü mapa ajanga na meketa aliba nung tajangzük agütsüba aser tangari nü dang pelaba bilemang. Nü mapa nungdaka yutsür tangar yariba nung mapang tali meindoktsüla.




Scorpio
23/10-21/11

Nü mapa meima inyakba ajanga na temaba jenjangi ajungkettsü süti. Nai mebilemdangi mapa inyakra tamakok ajurutsü.



Sagittarius
22/11-21/12

Nai mapa junga inyakba otsü aika lir, saka nai temaba jenjangi atutsü mebilemer. Tanü nai item asoshi mapa kar inyaktsü merangang.



Capricorn
22/12-19/1

Nai mangdang tajung yur mapa meranga inyaker saka aiben temolung ajema bilemer. Anungji na temolung ulushiang aser nai takok angutsü.



Aquarius
20/1-18/2

Terenlok alitsü asoshi nai junga shisadangang. Aser nü mapa nung bendanga agütsür inyakra takok angutsü ana nung lir.



Pisces
19/2-20/3

Nai tepang aki jembitsü maparen nung takok angutsü, saka shishilembaba maparen nung nai mapang shidak mamshira na takoksa ajurutsü.

Vivek Oberoi-i flat 25 tenla agütsü

Thane, May 14 (Agencies):

Kanga dang molungsoa tenlaba maparen ka nung Bollywood actor Vivek Oberoi taoba ita Sukma nung Maoist telungpurtemi amakdang asür kibongtem nem flat 25 tashi tenla agütsütsü asoshi telemtetba agiogo.

Tang tashi nung flat 4 bo agütsüadokogo aser tanünga 21 ji pa indang company, Karm Infrastructures Pvt. Ltd-i Thane nung ki süya aliba nung lezmüksütsü mekaogo.

Central Reserve Police Force (CRPF) puri iba tenla tajung asoshi Vivek nem tenüngsang agütsüogo.

Vivek-i taoba hopta CRPF dangi shidi ka ajanga flat agütsütsü offer agüja liasü




saka flat agütsütsüba maparen nung tejangja osangbo iba mapang nung magütsü.

Aji saka flat tem ya Thane kübok Shahapur tesem nung asütsü akok. Iba tesem nung KIPL nüburtemi alitetsüsa ki

tulu ka yanglular.

Maoist temi amakba rongnung April 24 nü Chhattisgarh, Sukma tesem nung amakba ya tamajungtiba rongnung ka. Iba lendong nung CRPF sepa'i 25 tepset.

Nicki Minaj-i la sapur indang kaketshir loan menoktsütsü



Los Angeles, May 14

(Agencies): Rapper Nicki Minaj-i la sapur kaketshir indang loan aser tuition fee menoktsütsü asoshi sentong ka tenzütsü ta ashi.

Twitter nung la sülen anidaker kaketshir kar indang tuition fee menoktsür hopta hopta ka sülen lai iba osang metetdaksü. Item sen mezüng agütsütsüpur indangbo agütsüogo aser ano teyari tali agütsütsü asoshi sentong ka tenzütsü, ta lai metetdaksü.

Iba sentong indang osang

Instagram nung sangdongdang, "Iba ama mapa inyakba ajanga ni kanga pelar," ta lai zülü.

"Ni ano maneni ita ka mesüra ana tsünga kaketshirtem tuition fee menoktsütsü saka kaketshirtem indang loan aser tuition fee menoktsütsü asoshi sentong ka yakta sayatsü. Item inyakyim ajunga ni post sütsütsü," ta lai zülutsü.

Iba osang den külemi tamalen kaketshir indang tuition fee lai menoktsüba osang kar 'screenshot' sür Instagram nung inoktsü.

Abhishek shilem taküm otsü nung ajemdaker yangluba masü: Varma



Ram Gopal Varma

Mumbai, May 14

(Agencies): Film yanglur Ram Gopal Varma-i ashiba agi, pai direct asüba taruba film 'Arrest' nung Abhishek Bachchan indang shilem ya shidakba police ka

taküm otsü nung ajemdaker yangluba film ka masü.

Abhishek shilem iba film nung taoba mapang rara nung mongin Pradeep Sharma taküm otsü mesüka lir ta olulu adok.

"Iba film nung Abhishek-i polic ka shilem agir. Film ya shinga taküm otsü nung ajemdaker yangluba film ka masü. Iba ya purapuji film ka lir aser sepa'i taküm dak sendaka lir," ta Varma-i ashi.

"Film nung shilem kar 'underworld' dak sendaktepa lir, saka film ya tanü asüng tensa nung ajemdaker yangluba lir," ta paisa ashi.

Maneni iba film nung Huma Qureshi dena shilem agitsü akok ta olulu adokba film yangluri aitsü. "La iba film nung shilem magitsü. Iba ya teburtem film ka lir. Film nung tetsürka bo tongti shilem nung alitsü saka lai kangbo tongtibang shilem magitsü.



Deobarnü Lucknow nung Bollywood actress Anara Gupta, Kamiya Panjabi aser Manveer Gurjar nungertem Mr and Miss Lucknow 2017 indang osangbener senden ka nung adendang agiba noksa angur. (Lucknow, May 14)

TAN HOPTA ATEMA - KOMA SÜLA ?

Q Nagaland nung General Election ya taküm 2017 kümsa agi nunga koma süla ?

Olong 20 shi nung May 19, 2017 tashi nung iba telangzüba ya onok dangi

e-mail - tiriyim@gmail.com mesüra SMS - 9856121232 / 9436072422 mesüra Tir Yimiyim Facebook account ajanga yokang. Telangzübatemji taruba Hokolbar nü adoktsütsü.

Facebook live asüdang nisung ka rongset 'Cyber-attack' timba akümer: Europol



Washington, May 14 Live video nung (Agencies): US nunger ka social networking site, Facebook nung pa süseta asütsüba maparen live sayuba sülen tatsüka lir mozüki nung asü, ta osang ka ajanga Honibarnü metetdaksü.

Tenük kuli angurtemi ashiba agi, Memphis nungi nungtugu kentener arishi küm 33 tain, Jared McLemore ya Honibar anepdang gari anenba tesem ka nung pa sasa mi tsükloker Murphy indang bar-i asema ai.

ta ano tenük kuli agütsür Kimberly Koehler-i ashi.

Koehler-i ashiba agi, taoba mapng McLemore tetong shiba den pa mapangshia mangatetep adoka liasü, la iba tatalokba tesem nungi süklep isheka dang or mapa inyaker.

"Iba tatalokba ya pai paji ajaki ngudaktsünüba mesüka liasü. Pai iba tatalokba ya ajaki angutsüsa kanga mejungi atalokdaksünü," ta Koehler-i ashi.

Court record ajanga sayuba agi, McLemore yagi taoba mapang tetong lensetsü merangba aser anogo ka dang pilar la tepsetsü amokmerenba atema 2016 küm August ita pa apu.

Okadak ajanga pa tekolok reprangshitsü tetuyuba agütsüba den külemi 2017 April nung kidang mangatetep adokba dak sendakba nung aija 'probation' nung doktsü.

Kasa mapang nung McLemore ket nungi lighter metsüdoktsütsü merangdang nisung ka kanga mejungi arong saka pa junga dang alitsü imlaba osang police-i metetdaksü.

May 14, 2017 (Agencies): Linük 150 nungi Hokolbarnü 'cyber-attack' lendong ajurur ya 200,000 lir, ta Europol tekolokba, Rob Wainwright-i ashi.

"Alima nung iba 'cyber-attack' lendong ya timba kümdagi aser Hombar anepdang-a iba kasa lendong adaloktsü südi," ta Rob Wainwright-i temolung melemi ashi.

Iba virus ajanga file balala amshiteter aser sen meshir aser iba virus ajanga Russia aser UK nung tesashiba kongshi.

Iba amala lendong ya ano mapang talangka melie ajurutsü, anungji nüburtem kümdanga alitsüla, ta mongintemi ashir.

"Hombar anepdang nüburtem mapai aodang anu iba lendong ya maneni adaloktsü südi," ta Wainwright-i ashi.

Iba virus ajanga kongshir aliba computer nung file

lapoktsü asoshi sen meshir aser iba mapa inyaker den sendaktepa aliba bank account tem bushisüngdangba ajanga sayuba agi nisungtemi tang tashi nung parnok nem sen £22,080-shi agütsüo.

Iba ama mapa tamajung inyaker putettsü asoshi Europol aser US Federal Bureau of Investigation külemi bushisüngdang südagi.

Iba virus ya US National Security Agency ajanga mezüing metet. Iba virus ya computer telungi ayiba sülen computer amshir dang computer nung aliba file lapoktsü asoshi sen \$300 meshiba message ka arur.

UK nung iba amala inyakyim bushisüngdang telok 'MalwareTech' ajanga iba lendong adalokba tajemba kümdaktsü aser parnoki "ano ka arudar... aser aji Hombar tashi nung adaloktsü südi," ta ashi.

Ni teyarier shinga meliasü: Aditi Rao



New Delhi, May 14 (Agencies): Delhi 6 film nung 'supporting actress' shilem agiba nungi Kaatru Veliyidai film nung film yanglur Mani Ratnam shilem agiba sülen Aditi Rao Bollywood nung kanga takok ngua arudagi.

Actress shiba film industry nung nungtugu film yanglur aikaden shilem agia arudar, lai ashiba agi, la tang tashi shinga teyari magi-i dang silemtem ngua agia aruba atema kanga pela bilemer.

"Ni jenjang tilala agia dang iba jenjang tongtet. Ni kecha nungita yarier meliasü. Ajisaka nisung aikati ni parnok kübok anioka parnok tashikang kübok anepalua parnok nükla aser nükjidong nung shilem ka kümdaktsüba atema kanga pela bilemer," ta lai ashi.

Arishi küm 30 tain actress, Aditi-i ashiba agi, film industry nung mapang talangka inyaktüsü ya kangabo temela masü saka ni kü dak amangba ya ni asoshi tejakleni aotsüba tashiji lir.

"Mapa angutsü asoshi kanga tasakbo masü saka ni teti inyaknüa aliba nisungtem den inyaktüsübaji tasak lir," ta lai ashi.

Lai shilem agiba taruba film ji Omung Kumar-i direct asüba film 'Bhoomi' lir. Iba film ya tebu aser jala na tesendaktep film ka lir aser lai iba nung jala ama tongti shilem agir.

"Iba film ya ni asoshi mezüngbuba 'title' shilem agir lir. Film ya tebu la jala nguita yariba film ka lir. Iba film nung tajangshiba ya khenyongi balaka. Maneni film nung ni akokba tashi inyakogo. Iba amala film ajanga ni kanga puar," ta laisa ashi.

Bhoomi film sülen la Sanjay Leela Bhansali indang film 'Padmavati' nung shilem agiba angutsü. Actress-i ashiba agi, la lai bilemba ama inyakdar, kechiyong lai film yanglur Ratnam aser Bhansali amaladen teti inyaknüa liasü.

Aditi-i ashiba agi, la teti ajungmesotsü asoshi actor Amitabh Bachchan nunger amala dak rangloker.

"Ni tagidak maka nisung ka mükümner aser tajungba akümtsü mebilemi kü sasa kü dak temolung sür melinür. Ni Amitabh Bachchan nunger angudang tali temerangba inyaktüsü asoshi ajungshir," ta Aditi-isa maneni ashi.

South Asia Satellite nungi teyari agitsü Nepal-i ano mejangja

Kathmandu, May 14 (Agencies): India-i kiyonger Nepal nem sempet agütsür ama May 5 nung South Asia Satellite ka anünglaki yokba nungi teyari agitsü asoshi Nepal Ato Kelonser-i ano mapa metenzüki lir.

India-i iba satellite yokba nung ashishitep malitsü asoshi 2016 March nung India aser Nepal tsüngta MoU ka zülutepa lir aser iba maparen nungi Nepal ajangzüksü kanga yongya ataa liasü.

Saka iba satellite ajanga kechi nungdaker aser kechi teyari angutsüar, Nepal-i anu mejangjateti lir.

"Iba satellite nungi koba sentong amshitsü aser iba ajanga kechi tajangzük agütsütsüar anu melemteti lir," ta South Asia Division of Nepal indang Ministry of Foreign

Affair nung tekolokba, Bhrigu Dhunga-i ashi osangbener dang ashi.

India nung Ministry of External Affairs ajanga ashiba agi iba communication satellite ya television sentong, bank ATM service, e-governance aser cellular network amala maparen nung teyari agütsütsü lir.

South Asian Satellite sayaba sülen iba satellite nungi teyari agir linük trok indang lenir temi video conference ka ajanga Ato Kelonser, Narendra Modi den pelaba lemsatep aser iba mapa tajung ajanga kidanger linüktem tsüngta tesendaktep tajungba kümdaktsütsü ta parnoki shia liasü.

"Iba satellite nungi teyari tajungtiba bushia amshitsü aser talisa Nepal linük tenem nung

aliba nüburtem asoshi iba ajanga teyari tulu agütsütsü," ta iba satellite sayaba sentong nung Nepal Ato Kelonser, Pushpa Kamal Dahal-ia ashi.

Iba satellite ajanga tajemba agi 'transponder bandwidth' 24,000MHz nungi 36,000 MHz agütsütettsü, ta India-i ashir.

"Iba satellite nungi Nepal-i tajemba agi 'transponder' ana agitettsü aser iba atema India-i tesayuba balala agütsütsü," ta Kathmandu nung India Embassy nung senior diplomat kati ashi.

Bengaluru nung aliba ISRO headquarter nung Nepal nunger engineer tem nem iba satellite amshitsü tesayuba balala agütsütsü asoshi India-i Nepal dang asüngdanga lir, saka Nepal nungi telangzüba anu agüja mali, ta osang ka ajanga ashi.



Carson, May 14 : 2017 May 13-nü Carson, California US nung Wango Tango kenten sentong ka nung Hailee Steinfeld-i ken atenba noksa nung angur. Küm 10 tejaklen KIIS-FM ajanga Wango Tango ya tenzük. Iba benjung ya mezüing 1998 küm ali saka 2010 küm iba benjung anogo ya timba küma ao aser iba küm tanabuba sapang, "Village" ya lapok. Tang bo iba benjung ya sapang ana - "Village Stage" aser "Main Stage" nung agir.



May 14, 2017 nū Mumbai nung "Digital India Summit – Role of Cooperative Banks in adopting and advancing the Prime Minister's Flagship Digital India Program" sentong tenzūkdang Minister of State for Minority Affairs (Independent Charge) & Parliamentary Affairs, Mukhtar Abbas Naqvi-i milen tsūkloktsūba noksa nung angur.

Taoba AAP Minister Kapil Mishra süchia ao

New Delhi, May 14 (Agencies): Deobarnū osangbener senden ka nung Delhi Minister nungi anentsūba Kapil Mishra-i Arvind Kejriwal dak ochimashi inyak ta tai tonglokja jembidang pa süchia ao.

Delhi nung taoba water resources & tourism minister AAP minister Mishra ya tanū agi anogo pungububa lumia

lungkak aityonga arur aser tanū osangbener senden nung pa süchia ao.

"Mishra ji emergency department nung aniokba sülen minute pungu tsüingda recovery room-i anir aru. Pa temang tajungba lir aser onoki pa anepaludar" ta Delhi nung Ram Manohar Lohia hospital doctor kati ashi.

Mishra ya taoba hopta AAP

nungi anentsūba sülen, pai chief minister Kejriwal aser par cabinet züingsemtem anema jembiyonga arur.

Tanū pai, Kejriwal-i hawala transactions, taila company tem lapokba, saru ajanga bendenba sen tim mesüia amshiba aser Income Tax Department o Election Commission dang nungi osangtem miimshir ta tai tongloktsü.

J&K nung LeT züingsem 2 khaset; Pakistan-i LoC nung injang khaloktsür

Srinagar, May 14 (Agencies): Deobarnū Jammu & Kashmir kübok Handwara tesem nung sepaitem den khatepdang Lashkar-e-Taiba (LeT) telungpur ana khaset.

Iba tatalokba ya Handwara kübok Warpora arem nung atalok aser sepaitemi iba tesem nung telungpurtem mita aoba maparen tenzükogo.

"Warpora arem nung telungpurtem lir ta osang tejangja angazükba sülen onoki mita aodang, idakji aliba telungpurtemi injang khalokts. Sepaitemi meyiper khatepdang LeT züingsem ana khaset" ta ketdangser kati ashi.

Ano külen, Sashastra Seema Bal (SSB) jawan temi Hizbul kiralongrar ka apu. Iba nisungji Nepal nungi miima India-i arutsü merandang apu.

Kiralongrarji Naseer Ahmed (Sadiq) ta jangjaogo aser pa ket nung Pakistani passport ka bena liasü.

Sadiq jagi Jammu & Kashmir kübok Banihal tesem nung

kiralongra mapa aika inyakba nung shilem agia liasü. Pai civilian aser sepaitem anema mapatem inyakogo aser pa ya mapatong ka atema India-i yokba liasü, ta ketdangser kati ashi.

"Mezüing nung pa Banihal nung aser Jammu & Kashmir anasa aliba kiralongrartemi training agütsü aser 2002 nungi kiralongra mapa inyaka arur" ta paisa shisem.

Ano külen, Jammu & Kashmir kübok Rajouri district nung tanū agi anogo anabuba Pakistan sepaitemi LoC nung bomb poklokja kiojen aika raksatsü aser iba ajanga arrtsü anasa alir nisung 1000 shi talidak nungi anienogo.

Yashi Pakistan Army-i LoC nung Nowshera tesem nung bomb tem pokloktsü aser iba mapang civilian ana asü aser asem yiru. Tanep 6:45 ako nungi Line of Control nung Pakistan sepaitemi 82 mm aser 120 mm mortars pokloktsü, ta Defence otongdar kati metetdaksü.

"Iba mapang Indian Army

post nungi sepaitemi meyiper injang khaloktsü aser tashi maneni injang khadokdar" ta paisa shisem.

Tanū Rajouri nung aliba 'chitibakri' tesem nung ceasefire anema mapa inyakba osang angazüker, ta Deputy Commissioner, Rajouri, Shahid Iqbal Choudgury-i osangbener dang ashi.

"Tanep Rajouri kübok Manjakote tesem nung bomb aser injang aika khaloktsü aser iba janga yimtsüing 7 shi timtem ajurur" ta paisa ashi.

Relief camp balala nung nisung 978 tashi jenoka lir aser yimtsüing asem nungi kibong 259 anienogo. Nowshera sector nung school 51 shibangogo aser Manjakote o Doongi zone nung anogo asemnü atema school 36 shibangogo. School 87 nung kaketshir 4,600 shi azünger, ta DC-isa metetdaksü.

Pakistan-i iba mapa inyakba ajanga nisung 1000 shi parnok talidak nungi anienogo, ta Shahid Iqbal-isa shisem.

Yogi aser Parrikar nati tir election sülen MP menden toktsütsü

New Delhi, May 14 (Agencies): Yogi Adityanath aser Manohar Parrikar nati chief minister inyakba ajanga national politics toktsüogo, saka taruba presidential election nung vote agütsüba sülen ang tenati parliamentary mendentem toktsütsü ama ajiteter.

Tir election nung vote ji kanga tongtipang aser iba atema opposition teloktemi parnok külen candidate ka shimtsü atema mapa inyakdar. Iba jagi BJP-i Yogi aser Parrikar naprongi parliamentary menden metoktsüdang, tir election nung vote agütsüdaksünür, ta party osang ka ajanga metetdaksü.

Maneni, Uttar Pradesh Deputy Chief Minister Keshav

Prasad Maurya-ia presidential election sülen ang Lok Sabha menden toktsütsü.

UP aser Goa chief minister na den Maurya nungertemi ita trok tsüingda election agia takok angutsüla aser taküm July ita presidential election magi tashi election magii atatsü asoshi mapang peria lir.

Parrikar ya March 14 nū Goa Chief Minister aser Adityanath o Maurya na March 19 nū

UP chief minister aser deputy chief minister inyaktsü tenangzükba agia liasü.

Taküm July ita India nung tir election agitsü aser August nung manei tatong tir indang election agitsü.

Ujjain nung nashi kümzükertemi nisung ka züka merenshi



Ujjain, May 14 (Agencies): Madhya Pradesh kübok Ujjain nung nashi anüker telok kati nisung ka züka merenshiba indang video kanga prokshidar aser iba dak sendakba nung police-i nisung ana pua lir.

Nisung kati nashi indang tepen alangdoktsü ta tai tonglokja, nisung telok kati pa züka merenshi. Iba dak sendakba nung nisung ana puogo, ta police ketdangser kati ashi.

Iba tatalokba ya Honibarnü Ujjain district kübok Peeplinaka tesem nung tekülem ki ka anasa atalok.

Apuda Malviya-i nashi indang tepen alangdoktsü ta tai tonglokja, nisung telok kati pa

dak züka merenshiba indang video nung menüngoka lir. Ajisüaka, Apuda dak azükertem rongnung nisung ka sen indang mangatettep aliba atema pa dak züka merenshi, ta Jiwajiganj police station in-charge O P Mishra-i ashi.

Apuda züka merenshirtemji Chetan Sankhla, Vikas (Bhura), Nilesh Sankhla aser Shubham nungertem ta jangjaogo aser parnok IPC arrla balala kübok tai tongloktsüogo, ta Mishra-isa metetdaksü.

Honibar anogosa onoki Chetan aser Vikas na apu saka tanüingba nisungtem jenshir. Iba dak sendakba nung maneni bushisüingdang südar, ta paisa shisem.

Jharkhand nung Maoist commander ka temai adok

Ranchi, May 14 (Agencies): Ken o 152 atema aputsü bushiyonga aruba Maoist commander Kundan Pahan-i Deobarnü Jharkhand Police tsüingdang temai adok.

Ken o tem rongnung DSP, Inspector aser MLA ka tepsetba dena lir. Tesüiba mapang Pahan ya khendanga mepudang liasü aser pa dak tai tonglokja aliba ken o ajak nung pa ai'er ta pai tanü ashi.

CPI (Maoist) Jharkhand 'regional committee secretary', Pahan apur nem sen lakh 30 agütsütsü ta sangdonga liasü.

Pahan arishi küm 16

asüdang Maoist züingsem aküm aser Jharkhand sorkar mapang talangka Nai Disha ta ser telungpurtem temai adoktsü atema inyakba maparen kübok pa temai adok.

Tawa Pahan-i CPI (Maoist) sasep nung mapa balaka meinyaki aru aser pai police dang ashiba agi, Santhali kin nungi Maoist commander kari non-Santhal lennirtem jenzang metudaksünür aser ibaji ajanga pai CPI-M nungi pila.

Taküm January ita Pahan tenu Dimba-ia temai adok aser ano tenu ka February nung apu.



Deobarnü Darjeeling nung polling station ka kima nung municipal aser village council elections atema nisungtemi vote agütsü tarensena nokdaka aliba noksa nung angur.

(Darjeeling, May 14)



Beijing, May 14 : 2017 May 14 anogo 'Belt & Road Forum' senden Beijing, China nung akatsü asoshi linük balala nungi lenirtem den China Tir, Xi Jinping tangokba noksa nung angur.

Küm 20 sülen Nepal nung mezüing local election agiogo

Kathmandu, May 14 (Agencies): Küm 20 sülen Nepal nung local election mezüingbuba Deobarnü agiogo.

Local election mezüing shilem ya tesem 283 nung agitsü liasü saka tesem ana nung tangar tetokteper maliba ajanga tesem 281 nung dang agi. Tanü agiba election nung timtem kecha melie agitetogo, ta Election Commission ajanga sangdong.

"District 34 nungi vote agütsür shilem 42-i anüingdang teroto tashi nung vote agütsü," ta Election Commission indang odongtar, Surya Prasad Sharma-i ashi.

Nepal indang local election mezüing shilem nung vote agütsütsü temsüa alir nisung million 4.9 lir.

Local municipal council 281 nung mayor, deputy mayor, ward chairman aser ward member menden asoshi tetokteper nisung 50,000 jungnüa liasü.

Vote agütsür rongnung arishi küm 115 tain, Batuli Lamichhane

ya tambutisang liasü aser pai Kathmandu nungi kilometre 75 orr aliba Nuwakot district kübok Matra yim nung pa vote agütsü, ta Election Commission ajanga ashi.

Kasa district kübok Dupcheshwor yim nungi arishi küm 104 tain, Tulasi Kumari Khatri-ia la indang vote agütsü.

Mezüing shilem local election nung vote agütsür tambutiba den adongsangji Nanda Bahadur Poudel liasü. Pa arishi küm 105 aser Gorkha Municipality nungi lir.

Küm 15 dak tali Municipal council tem nung züingsem shimteta maliba ajanga Nepal yimtiba, Kathmandu densema jila aser yimsüing balala nung terenlok melie arudagi.

Maoist telungpur temi timtem agütsüba ajanga Nepal Municipal council atema election ya 1997 küm nungi magie aruogo aser iba mapang telungpur ajanga nisung 16,000

tepsetogo.

Nepal sorkar aser Maoist telungpur tsüingta 2006 küm November ita nung yimjung ken o jembia yimjung nung alitsü tezüingzüktep agia liaka Municipal election ya magiteti aru.

"Iba otsütsü election nung nüburtem ajungai pei temeden tashi amshia vote agütsütsü ni ajungshir. Democracy lima nung nüburtemi vote ajanga pei temeden amshir," ta Nepal Ato Kelonser, Prachanda-i ashi.

"Nepal indang yimjung ken o den iba election ajanga sendakteptsü aser tatem kati arutsü aser iba election ajanga sorkar inyakyim melenshitsu," ta Ato Kelonser-isa shisem.

Madhesi telok tuluba, Rastriya Janata Party Nepal-i iba mezüing shilem election nung shilem magitsü lemtetaka Madhesi telok ana, Federal Socialist Party aser Madhesi Peoples Forum Democratic nungibo shilem agiogo.

Mediterranean nungi Italy ajanga migrant 484 kümzük, tasü mang 7 ngutet

Rome, May 14 (Agencies): Italy indang tzükum anükertemi Deobarnü Mediterranean tzüyim nung aliba rongtem nungi migrant nisung 484 kümzük aser tebur 7 tasü mang angu. Kümzüka alirtem aser asürtem ya Europe-i arutsü merangba mapang ngutet, ta Italy indang tzükum anükertemi ashi.

Taküm küm kisüing nunga

North Africa nungi nisung 45,000 rong nung Italy tonga arua lir, 2016 küm aruba dang shilem 40 agi timba aser len tom nung nisung 1,222 süogo, ta International Organisation for Migration ajanga ashir.

Tanga linük nungi arur nisungtem ya 'rubber' indang rong balala pezü nungi Italy tzükum anüker aser tzüyim

mitkartemi ngutet.

Tzükum anükertemi iba dak alaka osang tejangja kicha magütsü. Tzüyim ajanga tanga linük nungi arurtem ya timba Sub-Saharan Africa mesüra Bangladesh nungi lir aser parnoki Libya nung aliba ozüing alema oset balala shibelener nem sen agütsür anir arudaktsüba lir, ta osang ajanga ashir.



Japan, May 14 : May 14, 2017 nung North Korea ajanga missile tendangba osang Japan Ato Kelonser, Shinzo Abe osangbener dang pa aliba ki nungi ashiba mapang tangokba noksa nung angur.

Silk Road tasenba atema China-i sen billion \$124 indoktsü

Beijing, May 14 (Agencies): Silk Road tasenba yanglutsü asoshi sen billion \$124 indoktsü, ta China tir, Xi Jinping-i nangzükogo aser iba lenmang ajanga alima dangi yimji-yimjung bener arutsü, ta ashi.

Iba lenmang yagi Asia, Africa aser Europe linüktem sendakteptsü aser terenlok bener arutsütsü nükjitong nung Jinping-i iba sentong ya 2013 küm saya liasü.

"Alima ajunga rongsen ketsüing renlokaktsütsü aser tesendaktep tajungba kümdaktsütsü asoshi asenoki sapang yanglutsüla," ta China tir-i Silk Road summit ka nung jembidang ashi.

Xi ajanga Silk Road tasenba yanglutsü asoshi sen indoktsü nangzükba nung; tang aliba Silk Road asoshi sen billion yuan 100, China Development Bank nungi sen billion yuan 250, Export-Import Bank of China nungi sen billion yuan 130, Silk Road tasenba-i kongshiba linüktem nung ki-o jen yanglutsü asoshi sen billion yuan 60 teyari

agütsütsü, 'emergency food aid' atema sen billion yuan 2, South-South Cooperation fund atema sen billion \$1 lir. Pai iba sentong mapa küma inyaka aotsü asoshi mapang telatet kicha mashi.

Iba senden ya Hombarnü tembangtsü aser iba senden nung linük 29 nungi lenir arua dena lir.

Anülulen aliba linüktem nungi lenirtemi iba senden aser sendong ya ajanga alima ajunga nung China nunger-i arakmoka ayutsü nükjitong nung lir, ta ashir.

Saka iba sendong ya ajak asoshi lapoka lir aser yimji-yimjung terenlok alitsü nükjitong nung lir, ta China-i ashir.

Iba sentong dang ya 'Belt & Road Forum' ta ajar aser iba senden nung Russia tir, Vladimir Putin, Pakistan Ato Kelonser, Nawaz Sharif, Cambodian Ato Kelonser, Hun Sen aser Kazakh tir, Nursultan Nazarbayev nunger aten.

Iba kasa senden nung Spain, Italy, Greece aser Hungary linük tem nungi Ato Kelonser arua aten.



Paris, May 14 : 2017, May 14-nü France nunger taoba tir, Francois Hollande-i tir tasenba, Emmanuel Macron den menden melentepi arutsü mapang osangbenertem (abelen) aser tanükertem (achichi) nokdaktepa ataba noksa nung angur.

North Korea-i missile tendangba ya alima yimjung asoshi lendong lir: EU

May 14, 2017 (Agencies): North Korea-i maneni 'ballistic missile' tendangba ajanga alima ajunga nung yimjung alitsü asoshi timtem agütsür, aser iba linük temeket nung aliba tesemtem nem tebilemtsü tali agütsür, ta European Union (EU) indang odongtar kati ashi.

Iba missile ya Deobar anepdang yakta khaloktsü aser kilometre 700 dak tali orr Japan indang tzüyim (East Sea) nung tzük.

Iba missile tendangba ya South Korea indang tir tasenba, Moon Jae-In tendanger asütsü südi, ta nisung aikati ashir.

"International temzüing sülen DPRK-i anidaktsü imlar: ballistic missile tendangba aser yangluba maparen ya anentsüla," ta European Union indang odongtari ashi.

North Korea-i missile yangluba anentsü asoshi UN aser US-i shiaka North Korea-i maneni iba mapa inyaka arudagi.

ADMISSION OPEN

**Amokmulu Girls Hostel
Fazl Ali College
Mokokchung, Nagaland**

- Walkable Distance to College
- 24 hours running water
- Bathroom and Toilet Attached
- Provide Spiritual mentoring and personal counseling

**For more details
Contact: 8974202325 / 8257913810**

France nung ...

(Tapak 1 nungi...)

Tanü nikonngang nungi ni mapa inyak tenzüksü. France putu aika lidakjang, ta Macron-isa metetdaksü. France yimten otsü nung 1848 kum Napoleon Bonaparte arishi kum 40 nung lenir akumba sülen tang Macron arishi kum 39 nung tir akümer.

Tanü Macron ya pa tenangzükba agidak tesem jelia atong aser pa agizüktsü renemdagü aodang Hollande-i pa agizük. Pai tan Bodbar nü prime minister aser cabinet-tem shimtsü.

METONGSHITSÜR

Tir Yimiyim adok May 14, 2017 tapak 2 nung Dimapur Watsü Telongjem nung ketdangpur tasen purtem rongnung Repsem zülur-Limala ta agüja alibaji Sateminla alitsü ta metongshitsür.

Tasoba Anogo Tepela Lemsateper

15-05-2017

Mr. R. Nungshi Longkumer, Ungma

Tsüngremer yongsük arishi kum 70 tashi Pa tekümzük tulu manung anir aruba asoshi Tsüngrem nem tepela tenüngsang tulu agütsür. Teyanglur temoatsür Tsüngremi ano obala nem arishi talang moajang ta onok sarasadem.

Temeim kinungtsü, chirnur, semchir aser anükapang.



NAGALAND CHRISTIAN MINISTRIES FELLOWSHIP

3rd Mission Conference

Speaker: Rev. Dr. Imchayanger.

Date: 16th May 2017, Time: 10:00 AM

Venue: Pathways Church, Purana Complex, Opp. Town Hall, Supermarket, Dimapur.

Independent Christian Ministries denomination balala ajak nungi arua shilem agia atentsü mepishia metetdaksür. Ministry shia nem mapang tatsütsü agütsütsü. Contact: 8930083663 / 9436013621

TEPELA TASOBA ANOGO

15 : 05 : 2017



SARILEMLA

Tsüngremer temolung lemtetba arishi kum 75 rentetogo. Tsüngremi nungloksüba Jala, Ayanu (sister), Medemer, Kinungtsü, Ojala, Otsüla ka ama abensatsüogo. Mongpu balala ajanga temeibatam len anio. Na kum 75 tasoba anogo benjungtsü temtsü.

- Chirnurtem, Semchirtem, Anükapang aser Kinungertem.

OFFICE OF THE DIMAPUR LEMTUR LONGPOK SEMCHIR KIDONG TELONGJEM

Tenüngsang Agütsür



Sd/-
Samuel Lemtur
President, DLLSKT

Dimapur Lemtur Longpok Semchir Kidong Telongjem-i Mr & Mrs. T. Wati Lemtur jala Kr. T.Sentolila Lemtur HSLC 2017 tatidang nung temaba jenjang 13th buba nung takok tulu ngutetba asoshi tenüngsang agütsür.

Aser tarutsü anogotem nung nü taküm shisatsü aser nü wadang nübor asoshi südakjangma.

Sd/-
T. Lanu Lemtur
Gen. Secy., DLLSKT

Tepel a Lemsateper

2017, May 9 anogo teroto mapang ozü kitsük kirong lendong nung shirnokisa nübu, rongsen aser sarasadem agi ozü kibong den khuret lemsatepogo, nenok ajak dang kanga pelar. Tsüngremi nenok ajak maneni moajang ta ozü kibong sarasadem.

Talisa item lokti tetet dang pelaba lemsateper:

- 1) Mangkolemba Administration.
- 2) Mangkolemba Town Baptist Church.
- 3) Mangkolemba Town Ao Lanur Telongjem.
- 4) Changdang Village Council.
- 5) Japu Village Council.
- 6) Japu Union, Mangkolemba.
- 7) Longjemdang Village Council.
- 8) Longjemdang Union, Mangkolemba.
- 9) Langpangkong Union, Mangkolemba.
- 10) Mangkolemba Ward Council.
- 11) Mangkolemba Ward Lanur Telongjem.
- 12) Mangkolemba Town Council Caretaker.
- 13) Staff of Blood Bank, District Hospital, Dimapur.
- 14) Adhoc Town Committee, Mangkolemba.

Sd/-
Mr & Mrs Lipok Jamir & family

OFFICE OF THE YAONGYIMSEN KAKETSHIR TELONGJEM

(Yaongyimsen Students' Union)

PELABA LEMSATEPER



Yaongyimsen Kaketshir Telongjemi ayongba 'Career Guidance' sentong nung shisalen teyurtem den teyariteperitem aser shilem agir kaketshiritem külemi agiba noksa nung angur.

Yaongyimsen Kaketshir Telongjem-i 'workshop on career opportunities- Current trends cum spiritual awakening' program May 11 nungi 13th, 2017 tashi Generation Countdown Youth ministry centre (GCM), Sovima, Dimapur, Nagaland nung amungba mapang nung tongti shilem agia yariteper item nisungtem ajak dang pelaba lemsateper :

1. Mr. Alemtemshi Jamir, IAS (Retd), Former Chief Secretary, Nagaland.
2. Mr. Kelhouseto Nakhro, Deputy Secretary, NPSC, Kohima
3. Er. L. Lanuwabang, Director, NIELIT, Kohima
4. Mr. Nishit Dholabhai, Editor, Northeast, Petrowatch
5. Mr. Lezo Putsure, Director, Youth Net, Kohima
6. Dr. Yan Murry, Chief Executive, Pinnacle Skills, Dimapur
7. Ms. Rozelle Mero, Managing Director, The People Channel, Dimapur
8. Mr. K. Anung Imsong, Pastor, Medziphema Town Ao Baptist Church

Iba den külemi

1. Yaongyimsen Senso Telongjem, Dimapur, Kohima, Chumukedima
2. Yaongyimsen Fellowship Dimapur, Kohima, Chumukedima
3. Yaongyimsen Tetsür Telongjem, Dimapur
4. Mr. Bendangtoshi Longkumer, OSD (Industries & Commerce) & Managing Director, NIDC
5. Er. Atu Imsong, BDO
6. K. Manen Imsong
7. Shri Nuklutoshi, Advisor to Chief Minister

Iba dak alaka Yaongyimsen sensosanger shirnokisa nübu, rongsen aser shisatsü agi yaritepogo, nenok ajak dang Yaongyimsen Kaketshir Telongjem aser iba program Planning Committee tenung nung pelaba lemsateper.

Sd/-
Kilangnuksi
President, YKT

Sd/-
Longer GB
Planning Committee, Convenor

Office of the Molungkimong Students' Union

Tenüngsang Agütsür

Mr. & Mrs. Meyionen Longkumer'er jala PURLEMLA LONGKUMER-i 2016 kum North Eastern Hill University (NEHU), Shillong nungi Master degree (Sociology) agiba nung Prof. M.N Karna Young Sociologist Prize aser Rector's Gold Medal sempet tajung anguba takok asoshi Molungkimong Students' Union (MSU)-i la nem tenüngsang tulu agütsür. Ano, maneni tarutsü nunga nü mapatem nung takok ngudakjangma ta sarasademtsür.

MSU-isa taküm 2017 kum HSLC & HSSLC tatidang nung takok angurtem ajak nem tenüngsang agütsür.

Sd/-
(I. Longsenti)
President, MSU

Sd/-
(Supongchizung)
General Secretary, MSU.



RAINBOW COACHING CENTRE

MOTTO: "Learn to Lead" ★ ESTD. 2006. Dimapur Nagaland.

Admission Notice

Special Coaching Class For:

CL-10, CL-12 (Arts) & CL-12 (Science) ★ 24 hours running water ★ Hygienic food, Maintain strict attendance. Monthly test and performance exams.

98% passed result 2017.

NB: Hostel seats available for Regular students. Walkable distance to many colleges.

For details contact: 03862-248524 (0) 9856857778 / 9862700227

Halep & Nadal nati Madrid Open takok marok angu



May 14, 2017 (Agencies): Romanian tsür Simona Halep-i France tsür Kristina Mladenovic madak takok ngua Madrid Open tetsür takok marok nguogo.

Halep-i kum 4 tsungda nung Madrid open final asemben tashi tongteta lir aser lai takum final asaya nung Mladenovic 7-5 6-7 (5-7) 6-2 agi akok.

Mladenovic teberem irur liaka lai kanga meranga asayaa deciding asayatsusa asayatet. Lai junga asayaba ya Halepi la racquet makokba tejashi nung metsudokba ajanga jangjatsür. La racquet metsudokba ajanga 'code

violation' ka agizük.

Ajisaka Halep-i asentenshir asayaa, ghonda 2 sür minute 43 agia lai iba asaya akok.

Lai tangtashi clay nung asayaba asaya 25 nung 22 bo koka lir aser iba ita tatemlen French open nung akoktsü imlaba tem rongnung zungsema shilem agitsü.

"Iba tittle 'defend' sütetba atema kanga pelar. Iba takok ya ni asoshi kanga tongtibang lir, kechiyong iba ajanga asayamong tulu nung shilem agitsü asoshi kúsasa dak temolunga lema kumdaktsür," ta Halep-i ashi.

"Ni asayamong tulu akoktsü asoshi kü asaya

jungu lir ta ni bilemer. Ni tekolok nung terenemshiba alitsü nungdaker. Takum kum tetenzük nung kanga mejungi asayaa aru saka dangbo ni junga asayateter aser kanga temolung lema bilemer," ta laisa ashi.

Mladenovic-i la teberem nung timtema asayaba jangjashitsü, saka lai ashiba agi, "küna tsungda final asaya kanga tajung liasü aser kü tamakok asoshi kü teberem nung timtem aliba dak metongloktüsener."

Tetsür tarep final asaya nung Martina Hingis aser Chan Yung-Jan nati 6-4 6-3 agi Timea Babos aser Andrea Hlavackova na kokogo.

Maneni, Deobar nikongdang Rafael Nadal aser Dominic Thiem na tebur final asaya nung Nadal-i 7-6(8), 6-4 agi takok angu.

Thiem atema mezungbuba ATP World Tour Masters 1000 final nung pai kanga meranga asayaa Nadal den toktep, saka tatem nung pai punguben tashi champion Nadal madak tamakok angu.

Tanü Madrid Open final nung takok anguba zungsema Spain nung Nadal-i 30 buba ATP World Tour Masters 1000 sempet agizükogo aser Novak Djokovic den otsü kasa yanglutet.

2017 Champions Trophy atema ICC-i sempet sen \$500,000 ajungkettsü

Dubai, May 14 (Agencies): England nung June 1 nungi tenzuka asayatsü aliba Champions Trophy 2017 atema sempet sen \$500,000 tali ajungkettsüba osang ka International Cricket Council (ICC) ajanga sangdongogo. Takoker indang shilem sen million \$ 2.2 densema sempet

sen ajak agi million \$ 4.5 kumogo.

"England aser Wales nung June 1 nungi June 18 tashi asayatsü aliba ICC Champions Trophy indang sempet ajunga agi million \$ 4.5 alitsü aser telok 8 asayaba nung takoker-i sen million \$ 2.2 agizüksü," ta ICC-i sangdong.

Iba asayamong nung tanabuba jenjang anguba teloki sen million \$ 1.1 aser semi-final asayar telok anaronglai sen \$ 450,000 agizüksü. Group shia tasembuba jenjang nung tempamer teloki sen \$ 90,000 agizüksü aser tsunglangba nung tempanger teloki shia-i sen \$ 60,000 agizüksü.

Agra nung Nagaland nungi...

"Tesüiba anogo pezü tashi, tetsürla jagi jana endokdak shidenba chiyungtsü aser kilentzü yimdokba tzu tanur nem agüja aru. Lai local police den tongtepratepsü merang saka la meindok" ta Naresh-i osangbener dang ashi.

Tetsürla den ajurutepeba sülen Naresh-i emergency women helpline 'Asha Jyoti Kendra Lucknow' den tongtepratep aser parnoki counselor ka yoka tetsürla den osang agitep.

"Rita den osang metetpela asüdang, ita tenet tejakdang la kinungbo Mukesh shiranga asü aser pa mang rongdoktsü atema lai sen aputsür ka ket nungi sen 2000 apu. Sen melena lar jabaso tambusang, arishi kum 7 tain Sonu sen aputsüsang ket nung agüja liasü. Lai sentsüh odoktsü sen peria mongutetba agi, la

kinungbo tenu Pappu den Agra nung mapa bushitsü atema ao saka yimti atongba sülen Pappu-i la toktsür jena ao" ta Naresh-isa metetdaksü.

Nagaland nung Rita ji süngolu ka nung aayanger ka liasü aser lai anogo nung sen 40 aazüka liasü.

Naresh-i Nagaland nung police ketdangsertem den tongtepratep aser Rita indang osang metetdaksü. Idangji police-i tetsürlaji Dimapur nung alir ta osang jangjashitsü.

"Onoki activist den osang agitepdar aser pai ashiba agi, tetsürla den tanur ana Brahmaputra Mail nung arudar aser parnok Dibugarh nung anenzüksü. Onoki parnok Dimapur-i anir arutsü adem GRP den mapa inyakdar" ta Assistant Commissioner of

(Tapak 1 nungi...)

Police Dimapur Akum Lam-i osangbener dang ashi.

Rita'er jabasoji sen aputsür ket nungi kumzük asü masü ta o s a n g b e n e r t e m i asungdangdang, "Tetsürla Dimapur tonga aruba sülen lar jabaso aliba tesem indang osang tejangja metetba sülen onoki pa kumzüksü" ta ACP-isa shisem.

Agra nung human rights activist Naresh-i dokan kiburtem- Saurab Jain, Rakesh Malhotra aser Vimal nung ket nungi sen 3000 tenla sarutet aser iba jagi Rita aser par tanurtem atema chiyungtsü, tzu, süoshi aser train ticket alitsü.

Par asem Deobar anepdang 3:00 ako nung Tundla nungi Dibugarh-i aoba train nung tua amen. Tundla RPF aser GRP force temi parnok Dibugarh tashi meintsü.



MAY 16, 2018 ASAYA

-----QUALIFIER-1-----

Pune VS Mumbai- 8:00 PM

MAY 14, 2017 ASAYA OSANG

Pune-i wickets 9 agi Punjab akok

Bangalore -i run 10 agi Delhi akok

Khelo India sentong kübok Nagaland nung football ground 100 yanglutsü

Kohima, May 14 (Agencies): "Khelo India" sentong kübok Nagaland nung asayadak ground 100 yanglutsü asoshi maongka nguogo. Iba dak sendakba nung Union Ministry of Youth Resources and Sports (YRS)-i state sorkar dang iba ita tsungda nung Detailed Project Report (DPR) agütsütsü asoshi tetuyuba agütsügo, ta Parliamentary Secretary for YRS Nagaland, Khekaho Assumi-i, Prodigies Group-i ayongba 3buba Open Penalty Shoot-Out Tournament lapokba sentong nung metetdaksü.

Assumi-i ashiba agi, State YRS Department-i asayadak ground 100 ka atema DPR iba ita tatemibo agütsütsü asoshi renema lir. Item ground tem state kübok district ajak nung yanglutsü. Iba ajanga state nung 'sports infrastructure' renlokba nung shilem tuluka agitsü, ta paisa ashi.

Paisa ashiba agi, department-i ano asayatem atema tanga sentong

aika renemja lir, item rongnung; grant in aid, capacity building programme aser kicha nema teyari agütsütsü asoshi densema lir, anungji asayartermi item maongkatem tejakleni arua agitsü asoshi imlaba pai lemsatet.

Takum kum Kohima mesüra Dimapur nung All Nagaland Futsal Tournament ka akatsü parnok sentong aliba paisa metetdaksü. Iba asayamong nung District shia nungi asayar telok anana-i shilem agitsü.

Iba dak sendakba nung senden ka June ita hopta mezungbuba tashi nungbo agitsü.

Aizawl FC-i I-League akokba tenüngsanga pai ashiba agi, iba ajanga northeast nung football asayaba inyakyim khenyongi melenshiogo.

Maneni pai ashiba agi, youth resources & sports department den külemi asayar isheka June nung Mizoram sorkar-i asaya balala dak sendakba nung inyakyim asadangtsü asoshi Aizawl-i aotsü.

3 buba open penalty shootout asaya osang:

CHAMPION- Methale, parnoki sen 30,000 senpet agizük. Iba senpetji Vuto Motors-i agütsü.

FIRST RUNNER-UP- Snipers-i sen 20,000 senpet agizük. Iba senpetji N.V. Press-i agütsü.

SECOND RUNNER-UP- Zavi's Club-i sen 10,000 senpet agizük. Iba senpetji Modicare-i agütsü.

FOURTH PLACE- Shaleko FC-i sen 5000 senpet agizük. Iba senpetji Active Station-i agütsü.

BEST GOAL KEEPER- Methale telok nungi Leketoulie Liezietsu nem sen 5000 alang gift coupon ka agütsü. Iba senpetji Active Station-i agütsü.

EVERYONE FEELS THE PAIN!

Oajm[®]
FAST RELIEF FROM PAIN



A Product of LIVSAV Group
CUSTOMER CARE:- 0250-6580183

BIEMDANGANG

"Takok anguba nisung ka masü, jenjang aketba nisung ka akümsü merangang."